

docstoc.com 文川网
入驻商家 古籍书城 获取电子书
在文川网搜索古籍书城 获取电子书

中國方志叢書·華中地方·第一六九號

據

清·應寶時修，俞樾纂
清同治十一年刊本

影印

江蘇省

上海縣志

(一)

成文出版社有限公司印行



中國方志叢書·華中地方·第一六九號

據

清·應寶時修，俞樾纂
清同治十一年刊本


影印

江蘇省

上海縣志

(二)

成文出版社有限公司印行



10097975

中國方志叢書·華中地方·第一六九號

據

清·應寶時修·俞樾纂
清同治十一年刊本

影印

江蘇省

上海縣志

(三)

成文出版社有限公司印行



10097974

docsriver 文川网
入驻商家 古籍书城

在文川网搜索古籍书城 获取更多电子书

錄	圖	也	重
一	詭	二	一
漆	一	十	一
	漆	一	一
	斂	漆	斂

二五系三

同治歲次
辛未刊于
吳門臬署

君之出也
言其出也

補用府特用直隸州調補江蘇松江府上海縣正堂莫 爲

照送事照得本縣志書板片全部現因縣署房屋狹窄無從堆儲相應備文照送爲此照會

貴紳董請煩查收妥爲收藏以免損失望切須至照會者

計送縣志書板全部

照會

本縣儒學洒埽局紳董

光緒八年六月二十六日照會

是志初蒙 應升憲在吳門臬署集資刊就越歲發還屬監理分修諸君重校將雜記遺事門增刪數則由局印行乃南園重校本也志板全部送 縣弄藏瞬經十載 莫邑侯發學堆儲查點損蝕補刊三卷四百九十七字十三卷二十二頁三百七十五字外嵌補一千一百九十三字補全刷印工料並製書架藏皮尊經閣等費司事墊出不另籌捐附記於此

光緒八年壬午十月

洒埽公局司事同啟

同治上海縣志序

同治五年余奉

命備兵上海時邑人士方有重修縣志之議余遂爲之設局
延禮名賢分門編纂而余亦得以管見與諸先生參定之越
四年書成乃爲之序曰縣之有志創於明洪武間顧或宏治
間郭經成之其後鄭洛書顏洪範史彩李文耀范廷杰重修
者五而嘉慶十七年李農部林松復編輯焉是爲嘉慶上海
縣志旣成邑人陸慶循著嘉慶志修例一卷以訂其失迄今
五十餘年兵燹頻經典文散佚若不及時蒐討慮愈久而文
獻益無足徵故參稽諸志旁搜博采反覆究論擇善而從以
成茲編凡三十四卷考郡縣志體例本於史部之地理其後
乃附益以傳紀故古謂之圖經亦謂之圖志今首圖說而冠

疆域疆域定則建立城池官師以經理之故次建置先王體
國經野首重明農而農事以水利爲最重堯舜之治天下命
禹平水土定貢賦故次水道次田賦是皆地理之大綱也有
土此有財有財此有用地理治而物產出焉故次物產孔門
論政富之而加以教足民必繼以禮樂蓋本於堯命稷播百
穀之後卽命契敷五教之意也故志物產卽繼以學校焉夫
學校禮義相先之地古者始入學必釋奠於先聖先師後世
學校中崇祀孔子爲萬世禮義之表歲進博士弟子員暨考
選侑生皆以襄祭也郡邑之祭莫大於孔子而他秩祀私祀
次之故次祠祀舊志或以學校入建置不立專門又或以寺
觀入祠祀與文廟並列謬矣有文事者必有武備故兵防次
之先王經世之道有治法尤貴有治人故次表職官而傳名

宦官司得人而後人文興故次表選舉而志人物舊志人物
分列傳獨行文苑隱逸諸門今遵

大清一統志之例但按時代序次不復分門而別以藝術流
寓及列女次之人物之可法可傳者立言並於立德故藝文
次之古蹟皆地以人傳故名蹟又次之舊志以第宅冢墓與
壇廟並列失其序矣至於祥異非人事之經寺觀爲儒流所
擯然五行志傳洛陽伽藍京師寺塔諸記古人固有爲之者
亦博聞廣見之林也故類次於雜記教堂前志從芟恭攷
欽定日下舊聞考城市門附載天主堂朱氏彝尊原書及
帝京景物略

宸垣識略亦列之今類附於寺觀之末固其所也舊志列女
之後並有方外傳似不倫惟顏志以仙釋入雜志最爲得體

今用其例取行義文學可紀者列寺觀之後亦類相從也其餘遺事雖不足入正志而有足資掌故備法戒者亦入雜記中俾邑人士無忘故老之所傳惟輕重大小本末先後之序則余與諸先生編次之微意也是編雖不盡同前人而前人纂修之功實不可沒故附錄舊序終焉書成會余移官蘇臬復質諸宮允馮先生桂芬稍加釐訂使先後體例斟酌畫一遂付梓人

同治十年三月布政使銜江蘇按察使前蘇松太兵備道永康應寶時序

同治上海縣志序

或曰今之上海非昔之上海也關津之所由財貨之所集他
 州別邑殊方異域之所萃而處形勢便利能以區區之地
 制粵寇之死命天下通都巖邑莫是過焉苟徒規規然排次
 舊聞記述陳迹不已固乎且於治術庸何補予曰是何言與
 聖人不易民而教知者不變俗而動故將自其變且易者而
 觀之則月異而歲不同自其不變不易者而觀之則無古今
 一也且事勢當大有變易之際正不可無不變不易者以主
 張維持之也志書固史之支流也觀往可以考來監前可以
 善後而惡乎訾諸夫天下治民之道富教而已富教之道使
 士農工商各事其事而已士者學習道藝可以居位者也農
 者播殖耕稼者也工者巧心勞手以成器物者也商者通四

上海縣志序

三

方之貨者也上海自咸豐以來中外締交華裔錯處婆羅門
教窟宅滋蔓邪說詖行視爲故常而士幾非昔之士峨舸大
艦捆載百物販運往還萬里若咫而商幾非昔之商奇技異
術盡態極妍人巧極而天工錯而工幾非昔之工且工商之
勢積重其利什伯倍於農而農亦非復如昔之力於田其婦
人女子亦將自荒其木棉之業如是則四民之職不盡廢乎
雖然未嘗廢也天下之公卿大夫未有不始於爲士者士未
有能自外於先王之道而可命曰士者天下之大利未有不
出於農者未有無農而得有工商者然則今之上海猶昔之
上海也善爲政者核其疆域戶口察其地利士宜審其民情
風教不爲徒善不爲徒法方將因其變易而求復其不變不
易之道士信農敦工璞商慤女懂婦空空於以奏安攘之績

無難矣欲考來者必觀其往欲善後者必監於前上海志之
修亦文獻之藪得失之林也又曷可以已哉書勗始於同治
丙寅維時今廉訪應公敏齋備兵蘇松太延請德清俞蔭甫
桐城方存之二先生所纂四年而稿定公復請吳縣馮敬亭
先生重加釐訂又一年而授梓予於己巳之秋繼公任樂觀
是書之成也適奉

命按察楚南將去是邦邦人咸請曰不可無序予乃推原志
之所以作歸諸古今之通義而言之至其與嘉慶志損益異
同之處自有凡例詳之予可無贅云

同治十年辛未秋九月分巡蘇松太兵備道海關監督陞任
湖南按察使司按察使六安涂宗瀛序

同治上海縣志凡例

一嘉慶志用顏志例分十門各附子目同時陸慶循著修例指摘其失亦多有見今參考折衷分門二十首圖說次疆域次建置次水道次田賦次物產次學校次祠祀次兵防次職官次名宦次選舉次人物次藝術次游寓次列女次藝文次名蹟次雜記而以舊序終焉

一嘉慶志之前在國朝有史志李志范志在明有郭志鄭志顏志當嘉慶志纂修時郭志久佚亦未見鄭志故所引但稱顏志舊志此次重修得見鄭志頗有採錄除嘉慶志所据舊志不另注餘皆一一注明

一修志者援据前志遞相沿襲間有并前志案語而亦襲之者此次重修凡於嘉慶志案語概用前志云以別之

docsriver 文川网
入驻商家 古籍书城

在文川网搜索古籍书城 获取更多电子书

一嘉慶志所列諸圖其鄉保區圖水道二圖華離輻輳不
便省觀今分浦東浦西鄉保區圖爲二圖南境北境水
道爲二圖眉目較清

一舊志疆域各圖多南上北下嘉慶志改爲北上南下改
之是也今從嘉慶志

一舊志皆載分野嘉慶志遵

高宗純皇帝御製題毛晃禹貢指南詩注詳言分野之說不
足信故刪去此門今仍之

一咸豐十年知縣劉郁膏覓得鄭志延寶山蔣敦復與舊
志參校異同作沿革表官司選舉表官績人物傳若干
卷今於各傳亦有采取沿革表全用原本不敢掠美
一舊志疆域門皆列形勝嘉慶志改附圖後不另立巨考

庚申之難東南大局全恃滬瀆一隅爲恢復根本蓋沿海險要之地實有足資控制者前志僅附圖後非體也今從舊志

一田賦新額田地米銀各數一依同治四年賦役全書開載間有零數與減賦全案不合者在全書有覈正語茲不注明

一嘉慶志附物產於疆域陸氏修例譏之謂宜專立一門依江南通志題曰食貨此說是非參半通志食貨統括田賦戶口鹽法諸大政不得以物產一類當之今從陸氏專門之說而仍用舊志物產之名

一陸氏修例所譏前志如城署合爲一祠祀學校兵防不立門善堂義冢附寺觀皆有未安今從其說別爲門類

子目而亦有參酌其間如建置志之橋梁津渡併歸水道物異志之兵事附兵防祥異入雜記是也

一舊志職官選舉表俱注有傳字樣嘉慶志因各傳每卷有目表中概不注今則各傳列目而表中仍注有傳以便省覽

一嘉慶志人物分列傳獨行文苑隱逸諸門今遵大清

一統志例概不分門但按時代編次而別出藝術流寓及列女焉

一人物既不分門凡一家之中父祖子孫咸以類聚惟代遠者另起

一分縣以前人物嘉慶志但采南青二志所遺者載之陸氏修例謂若以地斷自毋庸收一人若斷以時固宜悉

載特當於傳尾注明今屬某處今師其意於分縣以前
人物南青二志采及而嘉慶志不收者仍行補入其子
孫在分縣後者概不復列

一 川沙雖經分隸嘉慶志謂學校未分可統爲邑人今從
其例凡川沙人物一體收載

一 自嘉慶甲戌迄今五十餘年三遭兵燹斯文散佚前志
所載藝文千餘種十不存一無可校對姑存其名有違
礙者刪之新增藝文皆送局閱過敘入並按時代類次
注明已刻未刻以別於前志

一 教堂嘉慶志不載陸氏修例謂當遵 日下舊聞考載
天主堂之例仍誌其蹟於寺觀之末今從之

一 顏志以仙釋入雜志較諸志列於藝術列女後者爲有

識今附僧道於寺觀之後師顏志意也

一遺事頗有增輯均注明采自某書其不注者嘉慶志也
有舊在遺事而今入正志舊列正志而今移遺事者並
隨條注明

一此次修志由各鄉董采訪到局詳加覆覈始行載入其
城署壇廟形制變更並据檔冊所載雖咸豐乙卯以前
檔冊盡燬兵事祥異半出傳聞然亦擇善而從不敢妄
參稗史

一設局始同治丙寅七月次年輯成隨奉

恩詔減賦並奉

欽旌忠義士民節孝婦女千載一時不容漏略並兵防職官
人物門隨條補入截至庚午年止以爲限斷餘不及補

一此次修志捐資者爲潮陽郭學玩捐銀五千四百二十
 六兩七錢一分六釐香山葉廷眷捐銀二百一十二兩
 一錢八分六釐鄞縣楊寶錄捐銀壹千兩竊欲以遠師
 漢碑捐錢題名之意近仿前志捐梓銜名及道光蘇州
 府志捐刻銜名之例列捐資銜名葉廷眷已見提調目
 下不複列

同治上海縣志纂修銜名

鑒定

布政使銜江蘇按察使前蘇松太兵備道永康應寶時
布政使銜江蘇候補道前署蘇松太兵備道秀水杜文瀾
蘇松太兵備道陞任湖南按察使六安涂宗瀛

提調

補用府上海縣知縣介休王宗濂

補用府松江海防同知前署上海縣知縣香山葉廷眷

知府用候補同知署上海縣知縣大興朱鳳梯

上海縣教諭太倉胡景星

署上海縣教諭崑山徐梅

上海縣教諭上元陶桂芳

二子系

銜名

九

監理

布政使銜前任陝西按察使署理布政使王承基

同知銜前署浙江嵒縣知縣李曾祐

五品銜卽選內閣中書舉人江承桂

五品銜議敘光祿寺署正歲貢生費培鎮

五品銜候選訓導附貢生趙豫升

候選員外郎附貢生王慶昌

選授太倉州學正舉人徐鳳鳴

五品銜候選訓導附貢生朱錫典

三品銜儘先補用知府候選同知附貢生郁熙繩

同知銜選授阜甯縣學訓導附貢生范鳳藻

總纂

前河南學政翰林院編修德清俞樾
直隸棗強縣知縣桐城方宗誠

參校

蘇州府常熟縣舉人宗廷輔

安徽桐城縣舉人許恩培

松江府婁縣監生候選光祿寺署正尹鋈德

蘇州府元和縣舉人柳商賢

蘇州府元和縣廩膳生管禮耕

分修

就職直隸州州判恩貢生郭儒棟

五品封職布政司經歷銜附貢生葉和

太常寺典簿銜候選訓導歲貢生賈履上

上海縣志

銜名

十

五品頂戴光祿寺署正銜試用訓導鄭德鍾

五品銜前署金壇縣教諭試用訓導王恩溥

國子監典簿銜即選訓導沈廷霖

江西候補直隸州知州工部主事進士劉至喜

國史館謄錄議敘知縣內閣中書銜舉人賈勛

員外郎銜舉人姚元滋

五品頂戴中書科中書附貢生潘崇福

分輯

揀選知縣舉人單聯杰

揀選知縣舉人李曾珂

五品銜議敘州同知附生趙晉榮

東新...

川 同 知 銜 廩 生田錫祚

生 員瞿敦禮

浙 江 候 補 鹽 大 使 監 生毛祥麟

候 選 從 九 品沈澄綺

收掌

增 廣 生 員劉燦

直 隸 州 判 恩 貢 生張嘉泉

州 同 銜 附 監 生徐恩灝

生 員曹標

生 員楊夢熊

采訪

恩 貢 生李榮滋

三子系示 一 銜 名

docsriver 文川网
入驻商家 古籍书城

在文川网搜索古籍书城 获取更多电子书

生

員李尚暲

生

員黃紫垣

舉

人鈕世章

廩

生張元卓

生

員蔣忠仁

增

生秦惟梅

孝

生顧曾銘

廩

生趙光大

震

生曹辰垣

生

員沈燧

五

員沈煥崧

生

員沈家槐

廉方正恩貢

膳

廣

膳

澤縣學訓導廩貢

品銜議敘訓

廩生 議 議 議 議 職 職 光 優 職 生

祿寺署正

監

廩

銜議敘訓

敘敘敘敘

訓訓訓訓

膳

生趙颺曾 員王孟洮 導唐企堯 導張芝岡 導楊忠 導劉忻 員張義 生徐拱辰 導陸進 生王萃元 員沈式穀 員朱孔彰

二十五系下

三